



Concello de Vigo
Secretaría do Goberno Local
Expte. 819/1102

RESOLUCIÓN DA ALCALDÍA

DECLARACIÓN DO LOITO OFICIAL POR DEZ DÍAS EN SOLIDARIEDADE COAS VÍTIMAS DA PANDEMIA COVID-19

A traxedia xerada polo brote de SARS-CoV 2, declarado o 11 de marzo de 2020 pola Organización Mundial da Saúde (OMS) como pandemia ten causado graves perdas persoais, que requiren da consolidación dos vínculos sociais cun duelo colectivo e unitario en lembranza das vítimas provocadas pola enfermidade.

Coa dita finalidade o Consello de Ministros, a proposta do Presidente do Goberno, en sesión de data 26 de maio de 2020, aprobou o Real Decreto 538/2020, do 26 de maio, polo que se declara loito oficial polos falecidos como consecuencia da pandemia COVID-19.

A cidade de Vigo, en sintonía co Goberno da Nación, quere amosar publicamente a súa dor, así como testemuñar a súa solidariedade, apoio e condolencias aos familiares, amigos e demais achegados de todas as persoas vítimas do COVID-19, así como trasladar unha mensaxe de ánimo e de esperanza a todas as persoas que aínda permanecen hospitalizadas

Visto o citado Real Decreto procede a declaración de dez días de loito oficial, tal e como ten declarado así mesmo o Goberno da Nación, polo que, en memoria das vítimas polo COVID-19 e en sinal de duelo, no exercicio das competencias legalmente atribuídas a esta Alcaldía

RESOLVO:

Primeiro.- Declarar o loito oficial en toda a cidade de Vigo, durante dez días, as xornadas de duelo comezarán ás 00:00 horas do día 27 de maio de 2020 ata as 00:00 horas do día 6 de xuño de 2020, en solidariedade coas vítimas da pandemia xerada polo brote de SARS-CoV 2.

Segundo.- Suspende a celebración de todos os actos festivos que estivesen previstos na cidade de Vigo durante este período no que en homenaxe ás vítimas as bandeiras ondearán a media asta.

Terceiro.- Trasladar as condolencias e o pésame da cidade de Vigo aos familiares das vítimas desta crise xerada polo COVID-19.

Cuarto.- Dar publicidade desta resolución para o xeral coñecemento e dar conta dela no Pleno da Corporación.

CCA/rs

Data da sinatura dixital,

O ALCALDE-ABEL CABALLERO ÁLVAREZ



Copia do documento - Concello de Vigo	Data impresión: 27/05/2020 09:23	Páxina 1 de 2
Expediente 819/1102	CSV: 25E5EB-5B2H55-413HBF-H94W1T-GS7EZD-H1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

Dou fe. A SECRETARIA DO GOBERNO LOCAL-Mª CONCEPCIÓN CAMPOS ACUÑA



Copia do documento - Concello de Vigo

Data impresión: 27/05/2020 09:23

Páxina 2 de 2

Expediente 819/1102

CSV: 25E5EB-5B2H55-413HBF-H94W1T-GS7EZD-H1

Pode validar e/ou obter copia electrónica do documento utilizando o código QR da esquerda ou o código de verificación na dirección <http://www.vigo.org/csv>